

4 Vokabulario

**Kamper**

Fifi ta un skout. E fin di siman akí e ta bai kamper ku su grupo. Nan ta bai den mondi na Bándabou. Na wegada e skoutnan ta habri tèt i mesora nan ta sende kandela pa kushiná. Hòpman Pieters ta kue e blekinan di kuminda. Riba tur bleki tin etikèt ku plachi di e kontenido. 'Fifi i Ivo, boso por habri e blekinan pa mi?' e ta pidi.  
'Ku kiko nos ta habri nan, mener?' Fifi ta puntra.  
'Ata!' hòpman Pieters ta bisa, 'niun hende no tin kos di habri bleki!' 'Kon nos ta hasi awor?' Ivo ta puntra. 'Wèl, mi yu,' mener ta bisa, 'mester por.  
Antes tampoko no tabatin kos di habri bleki.  
Hopi aña pasá dia a inventá e promé blekinan, tabatin skibí riba nan: Kòrta na rant ku beitel ku martin.' 'E, e mener, na unda nos ta haña beitel ku martin?' Fifi ta puntra.  
'Nò, nò,' mener Pieters ta bisa harí, 'por habri bleki ku kuchú tambe. Pero mi mes ta hasi esei.'  
Mener Pieters ta habri e blekinan i ta siña e skoutnan kon ta prepará

- eléktriko
- etikèt
- kòputrèk
- kos di habri bleki

kuminda. Awe e muchanan no ta kome kuminda fresku, pero kuminda di bleki. Tambe kada skout tin ku lora algun batata den fòil i pone esakinan den e karbon kayente. Ora tur hende ta komiendo, Fifi ta puntra: 'Mener Pieters por konta algu mas di invento di bleki? Mi ta haña e tópiko ei hopi interesante.' 'Ta bon, awe nochi na kampvür lo mi sigui konta,' mener Pieters ta bisa.

**Tarea 1**


- Kiko bo ta mira?
- Lesa e frase bou di kada pintura.
  - Buska e palabra ku falta, den e rei aki bou.
  - Skibi e palabra den bo skref.

**Tarea 2**

- Bo sa e kontesta?
- Kiko ta mihó kuminda fresku òf kuminda na bleki? Dikon?
  - Skibi e kontesta den bo skref.

**Tarea 3**

- Bo sa e kontesta?
- Kiko ta bon di bèrdura òf fruta na pòchi di glas? Kiko no ta dje bon ei?
  - Kiko ta bon di bèrdura òf fruta na bleki? Kiko no ta dje bon ei?




Kuminda fresku ta yen di ...



... òf na pòchi di glas no ta dañá lihé.




Kontenido di e bleki ta skibí riba e ...



Un bleki bo ta habri ku un ... komun òf unu ...




Un bòter bo ta habri ku un ...



Bo por saka kòrki for di un bòter ku un ..

- kos di habri bòter
- kuminda na bleki
- vitamina



### 5j Kompletá e frasenan

- Lesa i kompletá kada frase.
- Skohe for di e palabranan den e rei aki bou.
- Skibi solamente e palabra ku falta den bo skref.

daña – habri – inventá – mira – pega – pone – usa

1. Antes no tabata ... frishidèr.
2. P'esei kuminda tabata ... lihé.
3. Na Oropa a ... bleki.
4. Pafó di e bleki ta ... un etikèt.
5. Ta posibel pa ... kuminda den pòchi di glas tambe.
6. Bentaha ta ku bo ta ... e kontenido.
7. Pa ... bleki ta ~~usa~~ un kos di habri bleki.

